



UNIVERSITÄTS-
BIBLIOTHEK
PADERBORN

**Exercitia S. P. Ignatii Via Ad Salutem Et Perfectionem
Propriam & alienam, Tuta & perpetuo tenenda**

Ignacio <de Loyola>

Hildesii, 1713

VD18 13664689

Meditationes De Passione Domini

[urn:nbn:de:hbz:466:1-60348](https://nbn-resolving.org/urn:nbn:de:hbz:466:1-60348)

stus novo titulo, & tu Christi: ut sit omnium operum tuorum major bonitas, & meritum. Memoriale passionis, amoris, & omnium mirabilium Christi. Viaticum, & præparatio ad mortem, & donum perseverantiæ; unio cum Deo, & Christo, corporis, animi, & familiaris amoris; pignus unionis æternæ; ut induamus perfectiones divinas ad augmentum gloriæ æternæ Dei & tuæ, ut ad omnia bona, quæ homo sperare, ad omnia mala, quæ timere potest, præsens habeat pretium, subsidium, solatium.

Virtutes à Christo exercitæ.

Humilitas sub tam vilibus speciebus &c. obedientia ad vocem hominis. Religio erga Deum. Amor Dei, zelus animarum, charitas erga homines, pro quibus mortem suam exhibet, denuò mori paratus; quibus conjungi nunc & æternum desiderat, liberalitas patientia, & longanimitas.

Tituli & Officia.

Sacerdos-Victima-Advocatus, Medicus, Consolator, Adjutor, Dux, & Socius, Magister, Amicus, Fidelis, Frater, Pater, & Mater, anima animæ, Sponsus.

Comparatio, & Figura.

Manna, arbor vitæ, fons vitæ, Agnus paschalis, Cœna magna, Incarnatio mystica.



MEDITATIONES

DE PASSIONE DOMINI

PRO QUAVIS FERIA TOTIUS ANNI.

Modus meditandi idem esse potest, qui in exercitiis

exercitiis habetur d. 7. m. 1. Materiæ hæ esse
 possunt. NB. Addi etiam potest, qualia ad vir-
 tutem præcedentibus feriis expensam motiva,
 exempla, media suppetant ex præsentis mysterio
 passionis. *Tristis est anima mea usque ad mortem*
 Matth. 28. Abdicatio omnis gaudii, & rei vanæ.
Procidit in faciem suam orans. Vers. 39. Refugium
 afflictionis est humilis oratio. *Factus est sudor ejus.*
 Lucæ 22. Affectus tuos commetire magnitudini
 rerum V. g. divinarum, & æternarum. *Non sicut*
ego volo. Matth. 26. Resignatio. *Surgite camus*
 Marci 14. Occurrere difficultatibus animo con-
 fortato. *Comprehenderunt Jesum & ligaverunt.* Joan.
 18. Da manus Deo & amori. *Discipuli fugerunt.*
 Marci 15. Inconstantia tua. *Adduxerunt ad An-*
nam. Joan. 18. Non timenda vanè humana au-
 thoritas. *Misit ad Caipham.* Joan. 18. *Ubi scribe &*
seniores convenerant. Multitudini inimicorum, &
 malorum non cedendum. *Unus dedit alapam Jesu.*
 Joan. 18. idque in gratiam hominis. cave. *Reus est*
mortis. Matth. 26. Falsa hominum judicia ferenda.
Non novi hominem. Matth. 26. Ne neges factis, aut
 oblivione. *Exspuerunt in faciem.* Matth. 26. Crescit
 semper malitia. *Illudebant... velaverunt.* Lucæ 22.
 Tu varios invenias amores & obsequia. *ut factus*
est dies... duxerunt ad Pilatum. Luc. 23. Vel à malis
 fervorem disce. *Judas se suspendit.* Matth. 27. In-
 juria bonitatis est, non sperare. *Cæperunt eum ac-*
cusare. Lucæ 23. Innocens perfer criminationes.
Regnum meum non est de hoc mundo. Joan. 18. Non
 aliud tibi regnum quàm Christi, *Herodes viso Jesu*
gavisus

gavisus valde Lucæ 23. Tu valde in Christi perfectionibus. *Jesus nihil respondit, ut miraretur Pilatus* Marci 18. Ne te excusa. *Barrabam, an Jesum?* Matth. 27. Compara te pessimis, & gaude his comparari. *Dimitte nobis Barrabbam* Lucæ 23. Nihil Christo prætuleris. *Crucifige* Lucæ 23. Instabilis favor humanus. *Flagellavit* Joan. 19. Crudeli misericordiâ volebat Christo simul & Judæis obsequi. Frustra *flagellavit*. Possibile, ut omnis in Christum amor exuatur? *Coronam de spinis imposuerunt capiti.* Joan. 19. Ne sit membrum delicatum sub spinoso capite. *Congregaverunt cohortem* Matth. 27. Nullum momentum sine vexatione, tibi nullum sine amore. *Ecce homo* Joan. 19. Vult liberare, sed non aptis mediis, vult, non vult. *Clamabant dicentes: crucifige.* Joan. 19. Non placantur passionibus condescendendo. *Sanguis ejus super nos* Matth. 27. Super te est, nisi utaris pretio. *Pilatus adjudicavit.* Lucæ 23. Disce, quàm gravem sententiam sis tu meritis, & fortè auditurus. *Bajulans sibi crucem exivit.* Joan. 19. Crux portanda. *Imposuerunt illi crucem portandam post Jesum.* Lucæ 23. Tanùm solatii est Christo, quantum portas crucis. *Venerunt in locum, qui dicitur Golgatha.* Matth. 27. Omnis locus etiam infamis aptus est obsequio Dei. *Si in viridi ligno hæc faciunt, in arido quid fiet.* Lucæ 23. Salutaris timor. *Ducebantur & alii duo.* Luc. 23. Tanti refert, quo animo patiaris. *Dederunt ei vinum cum felle mixtum.* Matth. 27. Noli bonis miscere amaras imperfectiones. *Crucifixerunt eum.* Marci 15.

Tam

Tam firmo amore conjungi tibi cupit ; & tu velis etiam per dolores illi configi. *Crucifixerunt*. Exaltatur ; ut discas altum de Divinis, & æternis sentire. *Crucifixerunt*. Spectaculum publicum ; & tibi sit semper ante oculos. *Crucifixerunt*. Et tu utroque brachio ipsum, & voluntatem Dei amplectere. *J. N. R. J.* Ex opprobrio verus Rex. *Diviserunt vestimenta ejus*. Matth. 27. Summa spoliatio & paupertas. *Dimitte illis quia nesciunt*, Lucæ 23. Excusa, & ora pro inimicis. *Stabat juxta crucem Jesu Mater ejus*. Joan. 19. Non vult separari etiam in doloribus & opprobriis ; magis amator magis habet socios crucis probrosi. *Deus meus, Deus meus, ut quid dereliquisti me?* Marci 15. Summum supplicium ne desere, ne deseraris æternum. *Sitio*. Joan. 19. Semper plura Dei, & animarum causâ desiderata. *Consummatum est*. Joan. 19. Omnis mali est aliquando finis, æterni nunquam, fac consummata & perfecta omnia ad finem præstes Deo. *Obscuratus est sol*. Lucæ 24. Testantur dolorem uti possunt, & tu. *Pater in manus tuas*. Lucæ 24. Etiam affligenti Patri audet confidere animam : spes. *Inclinato capite tradidit spiritum*. Joan. 19. Inclinatio est in omnem voluntatem Patris submissio, in te propensio. Redama. *Latus ejus apernit*. Joan. 19. Patet tibi cor Christi, tuum ipsi pateat soli. *Posuit eum in monumento*. Lucæ 24. Nullam quietem nisi post mortem spera.

PRO